

CYNGOR SIR YNYS MÔN

CYFARFOD:	CYNGOR SIR
DYDDIAD:	14 MAI 2015
TEITL YR ADRODDIAD:	Pwyllgor Gwasanaethau Democrataidd – Adroddiad Blynyddol 2014/15
ADRODDIAD GAN:	Cadeirydd y Gwasanaethau Democrataidd
PWRPAS YR ADRODDIAD:	Adrodd ar waith y Pwyllgor yn ystod 2014/15

1) Rhagarweiniad

Rhydd Mesur Llywodraeth Leol (Cymru) 2011 ddyletswydd ar y Cyngor i sefydlu Pwyllgor Gwasanaethau Democrataidd a gefnogir gan y Pennaeth Gwasanaethau Democrataidd.

Prif bwrpas y Pwyllgor yw adolygu digonolrwydd y ddarpariaeth yn yr Awdurdod o ran staff, swyddfeydd ac adnoddau eraill er mwyn cyflawni dyletswyddau a swyddogaethau Gwasanaethau Democrataidd. Dan y Mesur, rhaid i'r Pwyllgor gyfarfod o leiaf unwaith y flwyddyn i adrodd ar faterion o'r fath i'r Cyngor.

Dyma'r trydydd adroddiad blynyddol y mae'r Pwyllgor wedi ei ddarparu ers ei sefydlu yn 2012.

2) Rhaglen Waith y Pwyllgor

Mae'r adroddiad hwn yn crynhoi'r materion a drafodwyd gan y Pwyllgor yn ystod 2014/15 a cheir ynddo hefyd sylwadau ar y statws cyfredol.

Yn gyffredinol, canolbwyntiodd y Pwyllgor ar y meysydd canlynol:

- Datblygu Aelodau a Chynlluniau Hyfforddiant
- Moderneiddio dulliau gweithio
- Gweddarlledu cyfarfodydd a gwefannau Cyngorau Tref a Chymuned
- Mesur Llywodraeth Leol (Cymru) 2011
- Adroddiadau Blynyddol yr Aelodau
- Cyllideb 2015/16 a'r effaith ar y Gwasanaethau Democrataidd
- Adroddiad Blynyddol y Panel Annibynnol ar Gydabyddiaeth Ariannol

Yn y tabl isod, ceir crynodeb o'r materion a drafodwyd ym mhob cyfarfod yn ystod y flwyddyn ddiwethaf.

	<p>Absenoldeb Teuluol</p> <p>Cynllun Datblygu/Hyfforddi Aelodau</p> <p>Grantiau Gwefannau i Gynghorau Tref a Chymuned</p>	<p>mynychu o bell oherwydd nifer o oblygiadau y dygwyd sylw atynt yn yr adroddiad. Wedyn, ystyriwyd y mater gan y Pwyllgor Gwaith ar 14 Gorffennaf, 2014 ac yn ei gyfarfod ar 9 Hydref, 2014, cymeradwyodd y Cyngor yr argymhellion i beidio â symud ymlaen gyda mynychu o bell.</p> <p>Roedd yr adroddiad hwn yn ymdrin â'r gofynion ym Mesur Llywodraeth Leol (Cymru) 2011 a'r newidiadau arfaethedig i'r Cyfansoddiad gan gynnwys sefydlu Is-Bwyllgor Gwasanaethau Democrataidd i bwrpas gwrando ar apeliadau dan y rheoliadau. Derbyniwyd hyn gan y Pwyllgor ac yna fe'i hystyriwyd gan y Pwyllgor Gwaith ar 14 Gorffennaf, 2014 a'i gymeradwyo gan y Cyngor ar 9 Hydref, 2014.</p> <p>Ystyriwyd adroddiad cynnydd gan y Pwyllgor wedi i'r Cyngor gymeradwyo'r cynllun ar 8 Mai, 2014.</p> <p>Cyflwynwyd adroddiad cynnydd i'r Pwyllgor ar y sefyllfa gyfredol mewn perthynas â dyrannu grantiau i Gynghorau Tref a Chymuned ar gyfer datblygu gwefannau.</p>
18/09/2014	Gweddarlledu Cyfarfodydd y Cyngor	Cafodd adroddiad cynnydd ar ehangu'r cynllun peilot gweddarlledu ei ystyried gan y Pwyllgor gan nodi y cychwynnwyd gweddarlledu ym Mehefin 2014; yn ogystal, cymeradwyodd y Pwyllgor brotocol drafft ar gyfer gweddarlledu yn ymgorffori canllawiau CLILC ar gyfer Aelodau a Swyddogion.

	<p>Adroddiadau Blynyddol yr Aelodau</p> <p>Grantiau ar gyfer Gwefannau Cyngorau Tref a Chymuned</p> <p>Rhaglen Waith y Pwyllgor ar gyfer 2014 - 2015</p>	<p>Roedd yr adroddiad hwn yn canolbwyntio ar baratoi adroddiadau blynyddol gan Aelodau yn ystod 2013 – 2014 gan nodi fod yr holl Aelodau wedi paratoi adroddiadau ar gyfer y cyfnod hyd at fis Mawrth 2014 a bod y wybodaeth wedi cael ei chyhoeddi ar wefan y Cyngor erbyn 30 Mehefin, 2014. Roedd yr adroddiad hefyd yn cyfeirio at yr amserlen ar gyfer paratoi adroddiadau ar gyfer 2014 – 2015. Cafodd adroddiadau pellach ar y mater hwn eu hystyried gan y Pwyllgor yn ystod y flwyddyn.</p> <p>Adroddiad cynnydd pellach oedd hwn ar ddyrannu grantiau i Gyngorau Tref a Chymuned ar gyfer datblygu gwefannau.</p> <p>Adroddiad cynnydd oedd hwn ar Raglen Waith y Pwyllgor ar gyfer y flwyddyn a gofynnwyd am sylwadau'r Pwyllgor ar y materion y dylai'r Pwyllgor eu trafod yn dilyn y ddau grŵp ffocws a gynhaliwyd ym mis Mehefin i adolygu arferion gwaith. Dywedwyd wrth y Pwyllgor y byddai hyfforddiant pellach ar yr lpads yn cael ei ddarparu ar gyfer Aelodau ar 26 Medi, 2014.</p>
02/12/14	<p>Gwerthusiad Annibynnol ar yr Ymyrraeth ym Môn</p> <p>Gweddarlledu Cyfarfodydd y Cyngor</p>	<p>Trafodwyd a nodwyd gan y Pwyllgor, adroddiad a gomisiynwyd gan Lywodraeth Cymru ar yr Ymyrraeth ym Môn. Roedd yr adroddiad yn crynhoi nifer o gasgliadau allweddol a chyfleon ar gyfer dysgu ohonynt.</p> <p>Diweddariad oedd hwn i'r adroddiad a gyflwynwyd i'r Pwyllgor ar 18 Medi, 2014. Yn yr adroddiad, cafwyd crynodeb</p>

	<p>Grantiau ar gyfer Datblygu Gwefannau Cynghorau Tref a Chymuned</p> <p>Rhaglen Datblygu Aelodau</p>	<p>o nifer yr 'ymweliadau' i'r gweddarllediadau byw a'r rhai a archifwyd.</p> <p>Adroddiad cynnydd pellach oedd hwn ar ddyrannu grantiau i Gynghorau Tref a Chymuned i ddatblygu eu gwefannau.</p> <p>Diweddariad oedd hwn i'r adroddiad a ystyriwyd gan y Pwyllgor ar 18 Mehefin, 2014. Yn ogystal, cyfeiriwyd yn yr adroddiad at yr amserlen ar gyfer cynnal adolygiadau datblygiad personol ar gyfer Aelodau fel sylfaen ar gyfer Cynllun Datblygu Aelodau 2015 - 2016. Yn yr adroddiad hefyd, cyfeiriwyd at y cyhoeddiad a wnaed gan y Gweinidog ar gyfer Llywodraeth Leol i roi'r gorau i Grant Gwelliant gan CLILC o fis Mawrth 2015 a goblygiadau hynny o ran Rhaglenni Hyfforddiant Cenedlaethol a'r Siarter ar gyfer Datblygu a Chefnogi Aelodau. Penderfynodd y Pwyllgor wneud sylwadau i Lywodraeth Cymru yn ymateb i'r penderfyniad i roi'r gorau i Grant Gwelliant gan CLILC.</p>
29/01/15	<p>Ymgynghori ar y Gyllideb</p> <p>Adroddiadau Blynyddol yr Aelodau</p>	<p>Rhodddwyd i'r Pwyllgor gyfle i wneud unrhyw sylwadau ar y cynigion yn y Gyllideb ddrafft mewn perthynas â Gwasanaethau Democraidd. Un agwedd y dygwyd sylw'r Pwyllgor ati oedd yr arbedion arfaethedig yn yr adain Bwyllgorau o ran gostwng costau argraffu a phostio yn dilyn cyflwyno'r IPads i Aelodau. Cymeradwywyd yr argymhellion arfaethedig gan y Pwyllgor.</p> <p>Diweddariad oedd hwn i'r adroddiad a gyflwynwyd i'r</p>

	<p>Datblygiad Proffesiynol Parhaus CLILC ar gyfer Cynghorwyr 2015</p>	<p>Pwyllgor ar 18 Medi, 2014. Cyfeiriwyd yn yr adroddiad hefyd at adolygiad a gynhaliwyd ar draws Cymru gan y Gweinidog ar gyfer Gwasanaethau Cyhoeddus ar nifer yr adroddiadau blynyddol a gyhoeddwyd ar gyfer 2013 – 2014, yn nodi mai dim ond Ynys Môn ac un Awdurdod arall oedd wedi cyhoeddi adroddiadau blynyddol ar gyfer ei holl Aelodau. Roedd yr adroddiad hefyd yn cynnig fersiwn symlach o'r templed er mwyn cynorthwyo Aelodau i baratoi adroddiadau ar gyfer 2014 – 2015 a derbyniwyd hyn gan y Pwyllgor.</p> <p>Roedd yr adroddiad hwn yn canolbwyntio ar waith a wnaed gan CLILC ar ffurf fframwaith cymwyseddau drafft i gefnogi Aelodau yn eu rôl ac i gynorthwyo gyda pharatoi eu Hadolygiadau Datblygiad Personol. Cymeradwyodd y Pwyllgor y fframwaith cymwyseddau.</p>
<p>25/03/15</p>	<p>Adroddiad Blynyddol Panel Annibynnol Cymru ar Gydnabyddiaeth Ariannol 2015 - 2016</p>	<p>Cyflwynwyd adroddiad i'r Pwyllgor yn crynhoi'r penderfyniadau a wnaed gan Banel Annibynnol Cymru ar Gydnabyddiaeth Ariannol mewn perthynas â chydabyddiaeth ariannol i Aelodau ar gyfer 2015 - 2016 a'r angen i'r Pwyllgor Gwasanaethau Democrataidd adolygu'r lefel o gefnogaeth a roddir i Aelodau i gyflawni eu dyletswyddau. Mae cydnabyddiaeth i Aelodau ar gyfer 2015 - 2016 yn destun adroddiad ar wahân i'r Cyngor ar 14 Mai, 2015 a bydd y mater mewn perthynas â chefnogaeth i Aelodau yn ffurfio rhan o Raglen Waith y Pwyllgor ar gyfer 2015 - 2016. Yn y cyswllt hwn, penderfynwyd y byddai Pennaeth y Gwasanaethau</p>

		<p>Democrataidd yn gofyn barn yr Aelodau cyn adrodd yn ôl i'r Pwyllgor hwn.</p>
	Adroddiadau Blynyddol yr Aelodau	<p>Cyfeiriwyd yn yr adroddiad hwn at sylwadau a wnaed gan y Pwyllgor Safonau ar 12 Mawrth, 2015 yn dilyn adolygiad o gofrestrau'r Cyngor pryd nodwyd rhai anghysonderau rhwng y wybodaeth a roddwyd yn yr adroddiadau blynyddol ac yng Nghofrestr Sefydlog y Cyngor ac argymhellwyd rhai mân-newidiadau i'r templed ar gyfer paratoi adroddiadau blynyddol i'w cymeradwyo. Roedd hyn yn ymwneud yn bennaf a gwybodaeth ynghylch cyrff allanol a lefelau presenoldeb. Derbyniwyd hyn gan y Pwyllgor.</p>
	Gweddarlledu cyfarfodydd	<p>Diweddariad oedd hwn i'r adroddiad a gyflwynwyd i'r Pwyllgor ar 2 Rhagfyr, 2014. Yn yr adroddiad cafwyd crynodeb ar nifer yr ymweliadau â'r gweddarllediadau byw a'r rhai archifol.</p>
	Penodi Pennaeth Gwasanaethau Democrataidd	<p>Yn yr adroddiad hwn, cymeradwywyd argymhelliad y Pwyllgor Penodiadau a gynhaliwyd ar 27 Ionawr, 2015 mewn perthynas â phenodi'n barhaol i'r swydd hon.</p>

3) Argymhelliad

Gofynnir i'r Cyngor Sir dderbyn yr adroddiad a nodi'r materion a drafodwyd fel rhan o Raglen Waith y Pwyllgor am 2014/15.